

სსიპ „დაცული ტერიტორიების სააგენტო“



კონკურის მეშვეობით თუშეთისა და მტირალას ეროვნული პარკების ინფრასტრუქტურის დასაგეგმარებლად საპროექტო-სახარჯთაღრიცხვო დოკუმენტაციის

შედგენის მომსახურების შესყიდვა

სარჩევი

1. ინსტრუქცია კონკურსში მონაწილეთათვის _____ 2
2. საკონკურსო პირობები _____ 3
3. საკონკურსო წინადადების ფასი _____ 6
4. ანგარიშსწორების პირობები _____ 6
5. საკონკურსო წინადადება _____ 6
6. საკონკურსო წინადადების წარმოდგენის ადგილი და წესი _____ 7
7. დამატებითი ინფორმაცია _____ 7
8. სახელმწიფო შესყიდვის შესახებ ხელშეკრულების პროექტი _____ 8

ქ. თბილისი
2013 წელი

ინსტრუქცია კონკურსში მონაწილეთათვის

1.1 შესყიდვის პროცედურები ხორციელდება საქართველოს კანონის „სახელმწიფო შესყიდვების შესახებ“ და „კონკურსის მეშვეობით საპროექტო მომსახურების სახელმწიფო შესყიდვის პირობებისა და წესის დამტკიცების თაობაზე“ სახელმწიფო შესყიდვების სააგენტოს თავმჯდომარის 2011 წლის 10 თებერვლის N3 ბრძანების შესაბამისად.

1.2 კონკურსის შეწყვეტა:

ა) საკონკურსო კომისიას უფლება აქვს ხელშეკრულების დადებამდე ნებისმიერ დროს შეწყვიტოს შესყიდვის პროცედურა, თუ ეს აუცილებელი გახდება მისგან დამოუკიდებელი და წინასწარ გაუთვალისწინებელი ობიექტური მიზეზებით, აგრეთვე საქართველოს სახელმწიფო ან/და საზოგადოებრივი ინტერესებიდან გამომდინარე;

გ) შესყიდვის პროცედურების შეწყვეტის შემთხვევაში შემსყიდველი ორგანიზაცია ვალდებული არ არის, კონკურსანტს წარუდგინოს კონკრეტული მტკიცებულება ან დეტალური ინფორმაცია, რომლის საფუძველზედაც მიიღო ეს გადაწყვეტილება. შესყიდვის პროცედურების შეჩერებისას ან შეწყვეტისას შემსყიდველი ორგანიზაცია ვალდებული არ არის, ანაზღაუროს პრეტენდენტის შესყიდვაში მონაწილეობასთან დაკავშირებული ხარჯები.

1.3 საუკეთესო საკონკურსო წინადადების მქონე პირთან, რომელიც გამარჯვებულად გამოცხადდება საკონკურსო კომისიის მიერ გაფორმდება სახელმწიფო შესყიდვების შესახებ ხელშეკრულება. ხელშეკრულების ფორმა და პირობები მოცემულია სახელმწიფო შესყიდვის შესახებ ხელშეკრულების პროექტში, რომელიც საორიენტაციო ხასიათისაა და ხელშეკრულების დადების მომენტისათვის დაზუსტდება საკონკურსო წინადადების შესაბამისად.

1.4 კონკურსანტის დისკვალიფიკაცია ხდება შემდეგ შემთხვევებში:

ა) თუ მის მიერ წარმოდგენილი საკონკურსო წინადადება, არ არის შედგენილი ამ წესის მოთხოვნათა დაცვით/ ანარ შეესაბამება შემსყიდველის მიერ საკონკურსო პირობებით განსაზღვრულ მოთხოვნებს ;

ბ) თუ ის არ დააზუსტებს შემსყიდველის მიერ დადგენილ ვადაში საკონკურსო წინადადებასთან დაკავშირებით მოთხოვნილ დამატებით ინფორმაციას;

გ) თუ სახელმწიფო შესყიდვის შესახებ ხელშეკრულების დადების უფლების მოპოვების მიზნით, ჩაიდენს არაკეთილსინდისიერ ქმედებას.“

2. საკონკურსო პირობები

2.1 შესყიდვის ობიექტის ტექნიკური დავალება

1. დასაგეგმარებელი ობიექტების დახასიათება:

- წინამდებარე ტექნიკური დავალებით განსაზღვრული თუშეთის ეროვნული პარკის ინფრასტრუქტურის დასაგეგმარებელი ტერიტორია მდებარეობს ახმეტის მუნიციპალიტეტის სოფელ ომალში, ვიზიტორთა ცენტრის არსებული შენობის მიმდებარედ, ხოლო მტირალას ეროვნული პარკის ტექნიკური დავალებით ინფრასტრუქტურის დასაგეგმარებელი ტერიტორია მდებარეობს აჭარის ავტონომიური რესპუბლიკის ხელვაჩაურის მუნიციპალიტეტის სოფელ ყოროლისთავის მიმდებარე ტერიტორიაზე.

- განსაზღვრული დასაგეგმარებელი ინფრასტრუქტურა მოიცავს შემდეგ ძირითად ობიექტებს:

- საპიკნიკე ადგილი თუშეთის ეროვნულ პარკში;
- საკარვე ბანაკი თუშეთის ეროვნულ პარკში;
- თუშეთის ეროვნული პარკის აბრა;
- ფრინველებზე დასაკვირვებელი კომპურა მტირალას ეროვნული პარკში;

დასაგეგმარებელი ინფრასტრუქტურის ობიექტების აღწერილობა იხილეთ ქვემოთ:

1.1 საპიკნიკე ადგილი თუშეთის ეროვნულ პარკში

- შემსრულებელს ევალება შეარჩიოს საპიკნიკე ადგილის ყველაზე ოპტიმალური მდებარეობა, რომელიც უზრუნველყოფს მინიმალურ ზემოქმედებას ბუნებაზე სამშენებლო სამუშაოების წარმოების დროს და ვიზიტორთა მაქსიმალურ კომფორტს;

- საპიკნიკე ადგილი უნდა წარმოადგენდეს ფარდულის ტიპის გადახურულ ნაგებობას. ფარდულში უნდა განთავსდეს სტაციონარული სასადილო მაგიდები და სკამები, რომლებიც უზრუნველყოფენ 20 ვიზიტორის ერთდროულ განთავსებას. საპიკნიკე ადგილი უნდა აღიჭურვოს სანაგვე ურნით და სტაციონარული ან გადასატანი საცეცხლე ქურით (ე.წ. “ზარ-ბე-ქიუ”). ამას გარდა, საპიკნიკე ადგილის მიმდებარედ საჭიროა მოეწყოს ღია საცეცხლე ადგილი. ფარდულში უნდა დაგეგმარდეს მცირე ზომის საინფორმაციო დაფა ვიზიტორთა ქცევის წესებით.

1.2 საკარვე ბანაკი თუშეთის ეროვნულ პარკში

- შემსრულებელს ევალება შეარჩიოს საკარვე ბანაკის განთავსებისათვის ყველაზე ოპტიმალური მდებარეობა, რომელიც უზრუნველყოფს ვიზიტორთა მაქსიმალურ კომფორტსა და უსაფრთხოებას. საკარვე ბანაკი უნდა მოემსახუროს 20 ვიზიტორს (მინიმუმ 10ც. ორ-ადგილიანი ტურისტული კარვის ერთდროული განთავსებით). თითოეული საკარვე ადგილი მონიშნული უნდა იყოს ბუნებრივი მასალით, რომელიც შერწყმული იქნება ლანდშაფტთან. საკარვე ბანაკი უნდა აღიჭურვოს მინიმუმ ერთი, ღია ტიპის საშხაპე კაბინით. ტერიტორიაზე უნდა განთავსდეს ასევე ნივთების შესანახი დახურული საკანი. საკანი უნდა იყოს საკმარისი ფართობის და აღჭურვილ იქნეს

შესაბამისი რაოდენობის თაროებით, მინიმუმ 20 ვიზიტორის ბარგის განსათავსებლად. თაროების კარკასი სასურველია იყოს ლითონის.

1.3 თუშეთის ეროვნული პარკის აბრა

- შემსრულებელს ევალება შეარჩიოს აბრის განთავსების ხელსაყრელი ადგილი და დიზაინი. აბრა უნდა იყოს ცალკე მდგომი და შესრულებული უნდა იქნეს ბუნებრივი მასალების გამოყენებით, როგორცაა: ხე, ადგილობრივი ბუნებრივი ქვა. აბრის მიახლოებითი ზომები შეადგენს $B \times H = 5 \times 2,5$ მ. მასზე უნდა განთავსდეს მოცემული დაცული ტერიტორიების დასახელება და ლოგო.

1.4 ფრინველებზე დასაკვირვებელი კომპურა მტირალას ეროვნულ პარკში

- შემსრულებელს ევალება შეარჩიოს კომპურის განთავსების ხელსაყრელი ადგილი და დიზაინი. კომპურის სიმაღლე მიწის ზედაპირიდან უნდა იყოს დაახლოებით 3 მეტრი. დასათვალიერებელი ბაქანი უნდა იყოს ღია ტიპის და მისი მოცულობა უნდა იტევდეს ერთდროულად 10-15 ვიზიტორს. ასევე ბაქანზე უნდა იქნას გათვალისწინებული ვიზიტორებისათვის დასაჯდომი სკამები და აპარატურის (შტატივების) განთავსების შესაძლებლობა. კომპურა უნდა იყოს ისეთი ბუნებრივი მასალებისაგან დამზადებული, რომელიც შეესაბამება აჭარის რეგიონისათვის დამახასიათებელ კლიმატურ პირობებს (წვიმა, ტენიანობა, მზე, თოვლი, ყინვა) და მისი შემდგომი მოვლა-შენახვის ხარჯები უნდა იყოს მინიმალური. კომპურასთან ასევე უნდა განთავსდეს საინფორმაციო ბანერი.

2. გეგმარების ძირითადი კრიტერიუმები

ეროვნული პარკის ინფრასტრუქტურის გეგმარებისას შემსრულებელს ევალება იხელმძღვანელოს შემდეგი ძირითადი კრიტერიუმებით:

- უზრუნველყოფილ უნდა იქნეს მინიმალური ზემოქმედება ბუნებაზე;
- პრიორიტეტი მიენიჭოს ბუნებრივ, ეკოლოგიურად სუფთა მასალებს;
- უზრუნველყოფილ უნდა იქნეს დაგეგმარებული ნაგებობების მაქსიმალური შეხამება ლანდშაფტთან;
- გამოყენებული მასალები და ტექნოლოგიები უნდა უზრუნველყოფდეს ნაგებობათა ხანგამძლეობას და ექსპლოატაციის მაქსიმალურ ვადას კაპიტალურ შეკეთებამდე;
- გამოყენებული მასალები და ტექნოლოგიები უნდა უზრუნველყოფდეს ნაგებობების მინიმალურ საექსპლოატაციო დანახარჯებს (მოვლა, დასუფთავება, მიმდინარე შეკეთება და სხვა).

3. მოთხოვნები საპროექტო დოკუმენტაციისადმი

- შემსრულებელს ევალება, შეასრულოს სამიუზო და საპროექტო სამუშაოები მითითებულ ობიექტებზე, პროექტირების ნორმების შესაბამისად. ინფრასტრუქტურის გეგმარებისას, დაამუშავოს სრული საპროექტო-სახარჯთაღრიცხვო დოკუმენტაცია. საპროექტო დოკუმენტაციაში დამუშავებულ უნდა იქნას ყველა საჭირო ნაწილი (არქიტექტურული, კონსტრუქციული, საინჟინრო ქსელები, საორიენტაციო ხარჯთაღრიცხვები და სხვ.), რომლებიც უზრუნველყოფენ ობიექტის სამშენებლო სამუშაოების ჩატარებას.

- პროექტის ავტორმა შემსყიდველის მიერ სამშენებლო სამუშაოების მიმდინარეობის პროცესში უნდა აწარმოოს საავტორო ზედამხედველობა.

- საპროექტო დოკუმენტაცია აუცილებლად უნდა მოიცავდეს მშენებლობის კალენდარულ გრაფიკს და ე.წ. “სპეციფიკაციების” ნაწილს, რომელშიც მოცემული უნდა იყოს სამშენებლო სამუშაოთა წარმოების მეთოდების, ტექნოლოგიებისა და სხვა თავისებურებების დეტალური, თანმიმდევრობითი აღწერა. აქვე უნდა მიეთითოს გამოყენებული სამშენებლო მასალების და ნაკეთობების ხარისხობრივი მაჩვენებლები.

- შემსრულებელი ვალდებულია, საკონკურსო წინადადების წარდგენამდე, ადგილზე გაეცნოს დასაგეგმარებელ ობიექტს, დაათვალიეროს ტერიტორია და ამის შემდეგ შეიმუშავოს გეგმარების ძირითადი მიმართულებები.

- საძიებო სამუშაოები (ტოპო-გეოდეზიური აგეგმვა, გეოლოგიური კვლევა) ჩატარდეს საპროექტო ნორმების მოთხოვნების შესაბამისად, საჭიროებისამებრ.

პროექტში გათვალისწინებული უნდა იყოს ყველა უახლესი და აუცილებელი მოთხოვნები, როგორც ვიზუალური ისე ფუნქციური თვალსაზრისით, რაც მაქსიმალურ კომფორტს უნდა უქმნიდეს მომხმარებელს.

კონკურსანტმა უნდა წარმოადგინოს არქიტექტურული კონცეფცია, ვიზუალი და კონცეფციის განმარტებითი ბარათი. ზემოაღნიშნული უნდა გაერთიანდეს და წარმოდგენილ იქნას ერთიანი პრეზენტაციის სახით.

კონკურსანტმა, კონცეფციის განმარტებით ბარათში უნდა წარმოადგინოს დასაბუთება, სადაც განხილულ იქნება არქიტექტურული გადაწყვეტის ძირითადი იდეა, პრინციპი, გამოყენებული მასალა, და ა.შ. დასაბუთება უნდა იყოს მომზადებული კომპეტენციის მაღალი დონით და ეფუძნებოდეს თანამედროვე მსოფლიო არქიტექტურის გამოცდილებას.

მომსახურების გაწევისას კონკურსანტმა ასევე უნდა გაითვალისწინოს დამატებითი ხარჯები, რომლებიც ასევე მოიცავს გეოლოგიურ და ტოპოგრაფიულ მომსახურებებს.

შენიშვნა: კონკურსანტმა სრული დოკუმენტაცია უნდა წარმოადგინოს ელექტრონული ვერსიისა (DWG და PDF ფორმატში) და ნაბეჭდი სახით.

2.2 შესყიდვის ობიექტის მიწოდების პირობები და ვადები

შესყიდვის ობიექტით განსაზღვრული პროექტი გამარჯვებულმა კონკურსანტმა შემსყიდველ ორგანიზაციაში უნდა წარმოადგინოს ხელშეკრულების გაფორმებიდან არაუგვიანეს 30 (ოცდაათი) კალენდარული დღის ვადაში.

მიმწოდებელმა დაპროექტების პროცესში შემსყიდველთან ეტაპობრივად უნდა აწარმოოს ყველა ასპექტის შეთანხმება პროექტის საბოლოო სახით მიღებამდე.

3. საკონკურსო წინადადების ფასი

შესყიდვის ობიექტის სავარაუდო ღირებულებაა 7500 (შვიდი ათას ხუთასი) ლარი.

კონკურსანტს უფლება აქვს წარმოადგინოს საკონკურსო წინადადების ფასი შესყიდვის ობიექტის სავარაუდო ღირებულებაზე ნაკლები.

საკონკურსო წინადადების საერთო და ერთეულის ფასის წარმოდგენა დასაშვებია მხოლოდ ლარებში.

საკონკურსო წინადადებაში საერთო და ერთეულის ფასი გამოსახული უნდა იყოს საქართველოს კანონმდებლობით გათვალისწინებული და შესყიდვის ობიექტის მიწოდებასთან დაკავშირებული ყველა გადასახადის გათვალისწინებით.

კონკურსანტმა სატენდერო წინადადების ფასში ასევე უნდა გაითვალისწინოს ყველა იმ ხარვეზის/ნაკლის ან მოთხოვნილი ცვლილების ღირებულება, რაც შეიძლება შემსყიდველს გაუჩნდეს პროექტირების ან მშენებლობის პროცესში.

საკონკურსო წინადადების შეფასება განხორციელდება შემდეგი კრიტერიუმებით:

- ა) არქიტექტურული კონცეფცია და ესკიზი - კოეფიციენტი -0.5
- ბ) ანალოგიური საქმიანობის გამოცდილება - კოეფიციენტი - 0.2;
- გ) გასაწევი მომსახურების ფასი - 0.3.

შეფასება განხორციელდება 10 ქულიანი სისტემით;

4. ანგარიშსწორების პირობები

ანგარიშსწორება მოხდება უნაღდო ანგარიშსწორებით ლარში.

ანგარიშსწორება მოხდება მიღება-ჩაბარების აქტის გაფორმებიდან არაუგვიანეს 15 (თხუთმეტი) სამუშაო დღის განმავლობაში.

საავანსო საბანკო გარანტიის წარმოდგენის შემთხვევაში მიმწოდებელს შეუძლია გამოიყენოს ავანსი, არაუმეტეს სახელშეკრულებო ღირებულების 50%-ის ოდენობით.

5. საკონკურსო წინადადება

(კონკურსანტის მიერ საკონკურსო წინადადებით წარმოსადგენი დოკუმენტები)

კონკურსში მონაწილე იურიდიული ან ფიზიკური პირი უნდა აკმაყოფილებდეს განსაზღვრულ მოთხოვნებს, რომელთა შესაბამისადაც უნდა წარმოადგინოს შემდეგი ინფორმაცია:

1. ინფორმაცია კონკურსანტის ან მისი პერსონალის კვალიფიკაციისა და გამოცდილების შესახებ (წარმოდგენილი უნდა იქნას პორტფოლიოს სახით);

2. ერთიანი პრეზენტაცია, რომელიც შედგება თუშეთის ეროვნულ პარკში საპიკნიკე ადგილის, საკარვე ბანაკის, ეროვნული პარკის აბრის და მტირალას ეროვნული პარკში ფრინველებზე დასაკვირვებელი კომპლურის ერთიანი კონცეფციის, განმარტებითი ბარათის და რენდერებისაგან.

3. რეკვიზიტები, საკონკურსო წინადადების ფასი და მომსახურების ხარჯთაღრიცხვა (მე-2 პუნქტში მოცემული მომსახურების გაწევასთან დაკავშირებული ყველა ხარჯის გათვალისწინებით).

6. საკონკურსო წინადადების წარმოდგენის ადგილი და წესი

საკონკურსო წინადადების წარმოდგენის პირი იხდის საფასურს სახელმწიფო შესყიდვების შესახებ კანონის 19¹ მუხლის პირველი პუნქტით დადგენილი ოდენობით (50 ლარი).

საკონკურსო წინადადებით წარმოდგენილი ყველა დოკუმენტი ან/და ინფორმაცია ხელმოწერილი ან/და ბეჭედდასმული უნდა იყოს უფლებამოსილი პირის მიერ.

საკონკურსო წინადადებით წარმოსადგენი ყველა დოკუმენტი ან/და ინფორმაცია წარმოდგენილ უნდა იქნეს ქართულ ენაზე. დოკუმენტების ან/და ინფორმაციის უცხოურ ენაზე წარდგენის შემთხვევაში მათ უნდა დაერთოს ნოტარიულად დამოწმებული ქართული თარგმანი.

დავის შემთხვევაში უცხოენოვან დოკუმენტსა და მის ქართულ ენაზე შესრულებულ თარგმანს შორის, პრიორიტეტის მინიჭების საკითხს წყვეტს სატენდერო კომისია.

საკონკურსო წინადადება ქართულ ენაზე (ერთ დალუქულ კონვერტში) და საფასურის გადახდის დამადასტურებელი ქვითარი კონკურსანტებმა უნდა წარმოადგინონ 2013 წლის 25 ივლისის 14:00 საათიდან 2013 წლის 25 ივლისის 15:00 საათამდე, შემდეგ მისამართზე: ქალაქი თბილისი, გულუას ქ. #6, მე-5 სართული, ს.ს.ი.პ. დაცული ტერიტორიების სააგენტო.

კონკურსი გაიმართება 2013 წლის 25 ივლისს 15:00 საათზე.

დაგვიანებით წარმოდგენილი საკონკურსო წინადადებები არ განიხილება.

საკონკურსო წინადადების საფასური გადაიხდება [სააგენტოს ანგარიშზე](#).

საფასურის გადახდის დამადასტურებელ დოკუმენტში მითითებული უნდა იყოს:

- გადახდის დამადასტურებელი დოკუმენტის უნიკალური ნომერი და გადახდის თარიღი;
- შემსყიდველი ორგანიზაციის დასახელება და საიდენტიფიკაციო კოდი;
- კონკურსანტის დასახელება და საიდენტიფიკაციო კოდი;
- საკონკურსო განცხადების სააგენტოს ოფიციალურ ვებგვერდზე გამოქვეყნების შედეგად განცხადებისთვის მინიჭებული უნიკალური ნომერი.
- საფასურის გადახდის დამადასტურებელი დოკუმენტის წარდგენის გარეშე პირი არ დაიშვება კონკურსში მონაწილეობის მისაღებად.“

კონკურსანტს უფლება აქვს წარმოადგინოს მხოლოდ ერთი საკონკურსო წინადადება. ალტერნატიული წინადადებები არ განიხილება.

7. დამატებითი ინფორმაცია:

საკონკურსო პირობებთან დაკავშირებული განმარტებების მიღება კონკურსანტს შეუძლია შემსყიდველ ორგანიზაციაში, წერილობითი მიმართვის შემთხვევაში. ქ. თბილისი, გულუას ქ. #6, მე-5 სართული, ს.ს.ი.პ. დაცული ტერიტორიების სააგენტო. საკონტაქტო პირი: გიგა მენაბდიშვილი, დავით კოპალიანი, ტელ: +99532 2753892

8. სახელმწიფო შესყიდვის შესახებ ხელშეკრულების პროექტი

ხელშეკრულება სახელმწიფო შესყიდვის შესახებ

ხელშეკრულების პირობების საბოლოო ვარიანტი შეიძლება დაზუსტდეს და დაიხვეწოს კონკურსში გამარჯვებულ კონკურსანტთან ხელშეკრულების გაფორმების პროცესში.

ქ. თბილისი

_____, 2013 წელი

ხელშეკრულების დამდები მხარეები:

ერთის მხრივ ს.ს.ი.პ. „დაცული ტერიტორიების სააგენტო“ წარმოდგენილი მისი თავმჯდომარის რატი ჯაფარიძის სახით (შემდგომში – „შემსყიდველი“), იურიდიული მისამართი: ქ. თბილისი, გულუას ქ. №6 და მეორეს მხრივ, _____, წარმოდგენილი მისი _____ სახით (შემდგომში – „მიმწოდებელი“), იურიდიული მისამართი: _____.

1. ხელშეკრულების ღირებულება

შემსყიდველმა გამოაცხადა კონკურსი თუშეთისა და მტირალას ეროვნული პარკების ინფრასტრუქტურის დასაგეგმარებლად საპროექტო-სახარჯთაღრიცხვო დოკუმენტაციის შედგენის მომსახურების (CPV71200000 - არქიტექტურული და მასთან დაკავშირებული მომსახურებები) სახელმწიფო შესყიდვაზე (საკონკურსო განცხადების №___) და კონკურსის შედეგად მიმწოდებელმა აიღო ვალდებულება გაუწიოს შემსყიდველს ზემოაღნიშნული მომსახურება _____ ლარად (შემდგომში ხელშეკრულების ღირებულება).

2. შესყიდვის ობიექტის რაოდენობა და მახასიათებლები

2.1 შესყიდვის ობიექტია, თუშეთისა და მტირალას ეროვნული პარკების ინფრასტრუქტურის დასაგეგმარებლად საპროექტო-სახარჯთაღრიცხვო დოკუმენტაციის შედგენის მომსახურება, კერძოდ საკონკურსო დოკუმენტაციის 2.1 პუნქტში მოცემული ტექნიკური დავალების შესაბამისად, რომელიც შემდგომში თან დაერთვის ხელშეკრულებას და წარმოადგენს მის განუყოფელ ნაწილს.

3. მომსახურების გაწევის პირობები

3.1. მომსახურების გაწევა უნდა განხორციელდეს ხელშეკრულების გაფორმებიდან არაუგვიანეს 30 (ოცდაათი) კალენდარული დღის ვადაში.

3.2 ხელშეკრულების ფარგლებში გაწეული მომსახურება უნდა შეესაბამებოდეს ტექნიკურ დავალებაში მითითებულ სტანდარტებს

4. ხელშეკრულების შესრულების კონტროლი

4.1. მიმწოდებლის მიერ ნაკისრი ვალდებულებების შესრულების მიზნით ხელშეკრულების მიმდინარეობის ნებისმიერ ეტაპზე შემსყიდველი ახორციელებს კონტროლს.

4.2. ხელშეკრულების მიმდინარეობის კონტროლის მიზანს წარმოადგენს:

4.2.1. მომსახურების გაწევის ვადების ხელშეკრულების მოთხოვნებთან შესაბამისობის დადგენა;

4.2.2. სახელმწიფო შესყიდვის შესახებ ხელშეკრულების პირობების შესაბამისად წარმოდგენილი დოკუმენტების საფუძველზე, მიმწოდებლის მხრიდან ხელშეკრულებით ნაკისრ ვალდებულებებზე კონტროლის განხორციელება, მიმწოდებელთან მიღება-ჩაბარების აქტის გაფორმება და ანგარიშსწორების პროცესის რეგულირება.

4.3. ხელშეკრულების შესრულების კონტროლს (ინსპექტირებას) ახორციელებენ ს.ს.ი.პ. „დაცული ტერიტორიების სააგენტო“-ს ეკონომიკური სამსახურის თანამშრომლები.

5. შესყიდვის ობიექტის მიღება-ჩაბარების წესი

5.1. შესყიდვის ობიექტის მიღება-ჩაბარება ხორციელდება, მიღება-ჩაბარების აქტის საფუძველზე მიმწოდებლის მიერ ფაქტიურად გაწეული მომსახურების შესაბამისად.

5.2. იმ შემთხვევაში თუ, მიწოდებული მომსახურება შეესაბამება ხელშეკრულებით გათვალისწინებულ მოთხოვნებს, ხელშეკრულებით განსაზღვრული პირი მიღება-ჩაბარების აქტის საფუძველზე იბარებს გაწეულ მომსახურებას, ხოლო თუ მომსახურების გაწევის პროცესში გამოვლინდება, რომ მომსახურება არ აკმაყოფილებს ხელშეკრულებით გათვალისწინებულ მოთხოვნებს, შემსყიდველს უფლება აქვს არ მიიღოს აღნიშნული მომსახურება და მოსთხოვოს მიმწოდებელს ხარვეზის აღმოფხვრა მიმწოდებლის ხარჯით.

5.3. იმ შემთხვევაში თუ ხელშეკრულების 5.2. პუნქტის საფუძველზე არ გაფორმდა მიღება-ჩაბარების აქტი და მომსახურება შესაბამისად არ იქნა მიღებული, მიმწოდებელი ვალდებულია ხარვეზები აღმოფხვრას 3 (სამი) კალენდარული დღის ვადაში და უზრუნველყოს შესაბამისი მომსახურების გაწევა, ხოლო აღნიშნული ვადის გასვლის შემდეგ მიმწოდებელს დაეკისრება პირგასამტეხლო ხელშეკრულების მე-13 პუნქტით გათვალისწინებული პირობების შესაბამისად.

5.4. მიმწოდებელმა შემსყიდველს უნდა წარუდგინოს მომსახურების გაწევისას მიღება-ჩაბარების აქტი. მიღება-ჩაბარების აქტის გაფორმებასთანერთად, მიმწოდებელი ვალდებულია წარმოუდგინოს შემსყიდველს საქართველოს კანონმდებლობით გათვალისწინებული შესაბამისი საგადასახადო დოკუმენტაცია.

5.5. ხელშეკრულების 5.4. პუნქტით გათვალისწინებული დოკუმენტაცია მიმწოდებელმა შემსყიდველს უნდა წარუდგინოს შემდეგ მისამართზე: ქ. თბილისი, გულუას ქუჩა №6, მე-5 სართული, ს.ს.ი.პ „დაცული ტერიტორიების სააგენტო“.

5.6. ხელშეკრულებით გათვალისწინებული მიღება-ჩაბარების აქტების გაფორმებაზე უფლებამოსილ პირებს წარმოადგენენ ს.ს.ი.პ „დაცული ტერიტორიების სააგენტო“-ს ეკონომიკური სამსახურის თანამშრომლები.

6. ანგარიშსწორება

6.1. ანგარიშსწორება მიმწოდებელთან განხორციელდება ლარებში, უნაღდო ანგარიშსწორების ფორმით, მიმწოდებლის მიერ ფაქტობრივად მიწოდებული მომსახურების ღირებულების შესაბამისად.

6.2. ანგარიშსწორება განხორციელდება მიმწოდებლის საბანკო რეკვიზიტებზე.

6.3. ანგარიშსწორება მიმწოდებელთან განხორციელდება ხელშეკრულების 5.4. პუნქტის შესაბამისად გაფორმებული მიღება-ჩაბარების აქტის და შესაბამისი საგადასახადო დოკუმენტაციის საფუძველზე, მათი შემსყიდველ ორგანიზაციაში წარმოდგენიდან არაუგვიანეს 15 (თხუთმეტი) სამუშაო დღის განმავლობაში.

6.4. ანგარიშსწორება შესაძლებელია განხორციელდეს წინასწარი გადახდის (ავანსი) წესით, არაუმეტეს სახელშეკრულებო ღირებულების 50%-ის ოდენობით, მხოლოდ შესაბამისი საბანკო გარანტიის წარმოდგენის შემთხვევაში, რომლის მოქმედების ვადა მინიმუმ 30 კალენდარული დღით უნდა აღემატებოდეს ხელშეკრულების მოქმედების

6.5. დაფინანსების წყარო: ს.ს.ი.პ „დაცული ტერიტორიების სააგენტო“-ს მიერ მიღებული საკუთარი შემოსავლები

7. მხარეთა ვალდებულებები

7.1. „მიმწოდებელი“ ვალდებულია:

7.1.1. „შემსყიდველს“ მიაწოდოს მომსახურება ხელშეკრულების პირობების შესაბამისად და უზრუნველყოს თანხლები დოკუმენტაციის წარდგენა;

7.1.2. უზრუნველყოს მომსახურების გაწევის პროცესში რაიმე უზუსტობის აღმოფხვრა 5 (ხუთი) კალენდარული დღის ვადაში;

7.1.3. კეთილსინდისიერად და მაღალპროფესიონალურ დონეზე შეასრულოს ნაკისრი ვალდებულება;

7.1.4. დროულად განიხილოს „შემსყიდველის“ მიერ წამოჭრილი პრობლემები, რომლებიც დაკავშირებულია ხელშეკრულების შესრულებასთან.

7.1.5. მიიღოს მონაწილეობა პროექტის შესაბამის ინსტანციებში შეთანხმების პროცესში წარმოშობილი პრობლემების მოგვარებაში ყოველგვარი დამატებითი ანაზღაურების გარეშე.

7.2. „შემსყიდველი“ ვალდებულია:

7.2.1. უზრუნველყოს „მიმწოდებლის“ დროული და სრული დაფინანსება;

7.2.2. დროულად განიხილოს „მიმწოდებლის“ მიერ წამოჭრილი პრობლემები, რომლებიც დაკავშირებულია ხელშეკრულების შესრულებასთან.

7.2.3. დაიცვას ხელშეკრულებით გათვალისწინებული ყველა პირობა.

8. მხარეთა უფლება

8.1. „მიმწოდებელს“ უფლება აქვს:

8.1.1. ხელშეკრულების ფარგლებში მოითხოვოს დროული და სრული დაფინანსება.

8.2. „შემსყიდველს“ უფლება აქვს:

8.2.1. აწარმოოს მიწოდებული მომსახურების ხარისხის კონტროლი;

8.2.2. განაცხადოს უარი უხარისხო მომსახურების მიღებაზე.

9. ფორს-მაჟორი

9.1. ხელშეკრულების პირობების ან რომელიმე მათგანის მოქმედების შეჩერება ფორს-მაჟორული გარემოებების დადგომის გამო არ იქნება განხილული როგორც ხელშეკრულების პირობების შეუსრულებლობა ან დარღვევა და არ გამოიწვევს საჯარიმო სანქციების გამოყენებას;

9.2. ამ მუხლის მიზნებისათვის „ფორს-მაჟორი“ ნიშნავს მხარეებისათვის გადაულახავ და მათი კონტროლისაგან დამოუკიდებელ გარემოებებს, რომლებიც არ არიან დაკავშირებული შემსყიდველისა და/ან მიმწოდებლის შეცდომებსა და დაუდევრობასთან და რომლებსაც გააჩნია წინასწარ გაუთვალისწინებელი ხასიათი. ასეთი გარემოება შეიძლება გამოწვეულ იქნეს ომით, სტიქიური მოვლენებით, ეპიდემიით, კარანტინით და საბიუჯეტო ასიგნების მკვეთრი შემცირებით და სხვა.

9.3. ფორს-მაჟორული გარემოებების დადგომის შემთხვევაში ხელშეკრულების დამდებმა მხარემ, რომლისთვისაც შეუძლებელი ხდება ნაკისრი ვალდებულებების შესრულება, დაუყოვნებლივ უნდა გაუგზავნოს მეორე მხარეს წერილობითი შეტყობინება ასეთი გარემოებების და მათი გამოძწვევი მიზეზების შესახებ. თუ შეტყობინების გამგზავნი მხარე არ მიიღებს მეორე მხარისაგან წერილობით პასუხს, იგი თავისი შეხედულებისამებრ, მიზანშეწონილობისა და შესაძლებლობისდა მიხედვით აგრძელებს ხელშეკრულებით ნაკისრი ვალდებულებების შესრულებას და ცდილობს გამოახოს ვალდებულებების შესრულების ისეთი ალტერნატიული ხერხები, რომლებიც დამოუკიდებელი იქნებიან ფორს-მაჟორული გარემოებების ზეგავლენისაგან.

10. ხელშეკრულების პირობების და ფასების გადასინჯვა

10.1. თუ რაიმე წინასწარ გაუთვალისწინებელი მიზეზების გამო წარმოიშობა ხელშეკრულების პირობების შეცვლის აუცილებლობა, ცვლილებების შეტანის ინიციატორი ვალდებულია წერილობით შეატყობინოს მეორე მხარეს შესაბამისი ინფორმაცია. ამავე დროს შემსყიდველი არ არის ვალდებული წარუდგინოს მიმწოდებელს რაიმე მტკიცებულებანი იმ გარემოებებთან დაკავშირებით, რომლების გამოც წარმოიშვა ხელშეკრულების პირობების შეცვლის აუცილებლობა.

10.2. წინამდებარე ხელშეკრულების ფასების შეცვლა დასაშვებია საქართველოს სამოქალაქო კოდექსის 398-ე მუხლით გათვალისწინებულ შემთხვევებში.

10.3. საქართველოს სამოქალაქო კოდექსის 398-ე მუხლით გათვალისწინებული პირობების დადგომის შემთხვევაში, დაუშვებელია სახელმწიფო შესყიდვის შესახებ ხელშეკრულების ჯამური ღირებულების 10%-ზე მეტი ოდენობით გაზრდა.

10.4. ხელშეკრულების პირობების ნებისმიერი ცვლილება უნდა გაფორმდეს წერილობითი ფორმით, რომელიც ჩაითვლება ხელშეკრულების განუყოფელ ნაწილად.

11. სადაო საკითხების გადაწყვეტა

11.1. შემსყიდველმა და მიმწოდებელმა ყველა ღონე უნდა იხმარონ, რათა შეთანხმებით მოავარონ ყველა უთანხმოება და დავა, წარმოქმნილი მათ შორის ხელშეკრულების ან მასთან დაკავშირებული სხვა კომპონენტის ირგვლივ.

11.2. თუ შემსყიდველი და მიმწოდებელი ვერ შეძლებენ სადაო საკითხის შეთანხმებით მოგვარებას, ნებისმიერ მხარეს დავის გადაწყვეტის მიზნით შეუძლია დადგენილი წესის მიხედვით მიმართოს საქართველოს სასამართლოს.

12. ხელშეკრულების შესრულების შეფერხება

12.1. თუ ხელშეკრულების შესრულების პროცესში მხარეები წააწყდებიან რაიმე ხელშემშლელ გარემოებებს, რომელთა გამო ფერხდება ხელშეკრულების პირობების შესრულება, ამ მხარემ დაუყოვნებლივ უნდა გაუგზავნოს მეორე მხარეს წერილობითი შეტყობინება შეფერხების ფაქტის, მისი შესაძლო ხანგრძლივობის და გამოძწვევი მიზეზების შესახებ. შეტყობინების მიმღებმა მხარემ 10 (ათი) დღის ვადაში უნდა აცნობოს მეორე მხარეს თავისი გადაწყვეტილება, აღნიშნულ გარემოებებთან დაკავშირებით. იმ შემთხვევაში, თუ ხელშეკრულების პირობების შესრულების შეფერხების გამო მხარეები შეთანხმდებიან ხელშეკრულების პირობების შესრულების ვადის გაგრძელების თაობაზე, ეს გადაწყვეტილება უნდა გაფორმდეს ხელშეკრულებაში ცვლილებების შეტანის (შეთანხმების) გზით.

13. ხელშეკრულების პირობების შეუსრულებლობა

13.1. ფორს-მაჟორული პირობების გარდა, მიმწოდებლის მიერ ხელშეკრულების პირობების შეუსრულებლობისა ან/და დავიანებით შესრულების შემთხვევაში გამოიყენება საჯარიმო სანქციები.

13.2. ხელშეკრულებით ნაკისრი ვალდებულებების შეუსრულებლობის ან შესრულების ვადის გადაცილებისათვის მიმწოდებელს დაეკისრება პირგასამტეხლოს გადახდა, _ ყოველ ვადაგადაცილებულ დღეზე ხელშეკრულების ღირებულების 0.5%-ის ოდენობით, ხოლო, თუკი ადგილი აქვს ვალდებულების ნაწილის შეუსრულებლობას, პირგასამტეხლო შეადგენს ვალდებულების შეუსრულებელი ნაწილის 1 %-ს.

13.3. საჯარიმო სანქციების გადახდა არ ათავისუფლებს მიმწოდებელს ძირითადი ვალდებულებების შესრულებისაგან.

13.4 იმ შემთხვევაში, თუ ვადების გადაცდენისათვის დაკისრებული პირგასამტეხლოს ჯამური თანხა გადააჭარბებს ხელშეკრულების ღირებულების 5%-ს, შემსყიდველს უფლება აქვს ცალმხრივად შეწყვიტოს ხელშეკრულება.

13.5. შემსყიდველის მხრიდან ხელშეკრულების 6.3. პუნქტით გათვალისწინებული ანგარიშსწორების ვადების დარღვევის შემთხვევაში შემსყიდველს მიმწოდებლის სასარგებლოდ დაეკისრება პირგასამტეხლო სახელშეკრულებო ღირებულების 0.5% ყოველ ვადაგადაცილებულ დღეზე.

14. ხელშეკრულების შეწყვეტა

14.1. ხელშეკრულება შეიძლება შეწყვეტილ იქნეს:

14.1.1. მხარეთა შეთანხმებით;

14.1.2. ერთი მხარის მიერ 10 (ათი) კალენდარული დღის განმავლობაში ხელშეკრულებით ნაკისრი ვალდებულებების შეუსრულებლობისათვის;

14.1.3. ერთ-ერთი მხარის ინიციატივით, მეორე მხარის წერილობითი გაფრთხილებიდან 10 (ათი) კალენდარული დღის განმავლობაში;

14.1.4. საქართველოს მოქმედი კანონმდებლობით გათვალისწინებულ სხვა შემთხვევებში.

15. ხელშეკრულების მოქმედების ვადა

16.1. ხელშეკრულება ძალაში შედის მხარეთა მიერ მისი ხელმოწერის თარიღიდან და ძალაშია 2013 წლის _____, მხარეთა მიერ ხელშეკრულებით ნაკისრი ვალდებულებების სრულ და ჯეროვან შესრულებამდე.

16. განსაკუთრებული პირობები

16.1. არცერთ მხარეს არ აქვს უფლება გადასცეს მესამე მხარეს თავისი უფლებები და მოვალეობები, მეორე მხარის წერილობითი თანხმობის გარეშე;

16.2. ხელშეკრულება შედგენილია ორ ეგზემპლარად და თითოეულ მათგანს თანაბარი იურიდიული ძალა აქვს;

16.3. ხელშეკრულების ერთი ეგზემპლარი ინახება „მიმწოდებელთან“; ხოლო ერთი ეგზემპლარი „შემსყიდველთან“.

„შემსყიდველი“

„მიმწოდებელი“

ს.ს.ი.პ „დაცული ტერიტორიების სააგენტო“

მის: ქ. თბილისი, გულუას ქ.№6.

ტელ: 2752352

ს/კ: 204911337

სახელმწიფო ხაზინა

სახაზინო კოდი: TRESGE22,

ა/ა # 200122900

რატი ჯაფარიძე

თავმჯდომარე
